

集部

欽定四庫全書集部

方齊存稿卷二

詳校官中書臣葉元符

中書過源溥震勘 總校官原任中允 臣王 燕 绪

校對官中書臣孫 膳録舉人 臣盖 溶

圈)

欽定四庫全書 方齊存稿 提要 1.21 湛若水所撰神道碑載所者有方齊存稿世 南京吏部右侍郎諡文修事蹟具明史本傳 字汝英號方齊莆田人正德辛未進士官至 無利本此本乃其家藏舊抄疏表序文襟著 臣等謹案方齊存稿十卷明林文後撰文俊 方幹写寫 集部六 别集類五明

金灰四库全書 國朝朱桑尊輯明詩綜乃獨不載之當由未見 收未知王臣何自得之王臣即莆田人于文 首送黃主簿赴嶄水七絕二首為是集所未 此本非置之不録也又近人鄭王臣輯莆風 詩亦春容恬適不事雕琢 清籟集所選文俊詩尚有彭城夜泊七律 九卷詩一卷史稱其文章醇雅為永今觀其 俊為鄉里或墨迹流傳据以載入數令世傳

欠日日 · 八十五 三月恭校上 者未可以是並管其詩文也乾隆四十四 将竣之日陳賢館問續録所謂經進不經 訛 明南監板二十一史即文俊所校刊窟改 頗為後人訾議然文俊為祭酒已在雕 方齊存稿 總 總察官紀的臣母就臣孫士教 官臣陸 費 修 舛 板

1	1 1	1			
					-
					-
					,
					1
		<u> </u>		 	

欠已日年公言 治載獨令日輕冒宸嚴冀少 Charles William 資遺籍復完徵昭代右 明 以校刊二十史進呈聖 林文俊 于燕陽或可廣 撰

織悉之罪具體裁義例之攸存但歷時既久而踳駁滋 崇文車採乎人言遂俱愚臣並辱隆委因知盛事有待 之憂幸文運之誕與際聖人之在上好學夙成乎天性 多故補缺雖勤而奸能亦甚漸致前功之棄深始後學 古下記朝元二十家筆削之功千百年行事之實博大 載事光詳顧然歷代之全書 貯于成均之兩庫上自邃 流布臣誠惶誠恐頓首頓首惟明君務學為急而信史 ,朝南宫發四庫之書仍令博求於士類起部備三品

金好口屋台書

卷一

之用兼容借給於司徒蓋欲昭一代之人文奚暇惜千金 陛下聖智天成文明日麗志存康濟學有緝熙謂載道 錄臣張傑雖各委任不一亦皆校勘惟均功績三年深 而臣文俊司業臣張星踵成而博士臣程煌助教臣劉 之重贵先是祭酒臣張邦奇司業臣江汝璧實共領之既 とこうえ ここう 慙鶩駘之鈍書塵乙覽猶恐魚豕之訛兹蓋伏遇皇帝 世龍臣科曼臣王崑臣許堯學正臣黃良獨臣鄒魯學 固存乎經而考古必資於史泛觀前代博完諸家見殘 方衛存筒

多好四库全書 間有一字之疑必往復盡諸臣之見雖勤的於風夜漫 空球吞職賢關每恨無階以報塞濫等史事但知舜志 出睹之争先吾道重光斯文有托臣等材雖該薄學本 委文學之臣晉魏隋唐等書殘者則補史漢遼金之 編斷簡之失真恐往事遺言之莫考乃以校修之責特 腐者重刊宣徒為秘閣珍蔵垂于不朽抑將使寒鄉晚 淹歷於歲時幸而跟工兹為完璧裝盈網帙隨書各識 于校雖移牒鳩工論材分局職兼六館書購多方茍 D. 板

盛德可大業可久垂千年汗簡之光臣下情無任瞻天 國子監祭酒臣林文俊等嘉靖十二年三月十三日欽 當法惡之當態與夫治所由與危所由兆務究是非於 林伏願念建事本乎多聞命講官時以進讀凡其善之 其標題別以牙籤開卷不煩於檢閱仰呈天性庶過儒 ここうころ とふう 仰聖欣躍屏營之至謹以二十史隨表上進以聞 往用資法戒於將來車同軌書同文綿一統與圖之 謝重幸學表 方衛存稿 Ž

蒙聖駕臨幸大學謹奉表稱謝者臣等誠惟誠忭稽首 多好四库全書 慶協天人益蓋伏遇皇帝陛下聖由天縱德與日新奏 幸四方占文運之方隆載舉曠儀書光舊典惟均朝 幸明父子之倫配食先賢盡去公侯之號禮無循漬道 留神默契聖心大祛俗見謂孔子稱王本非禮宜正先 倫叙而五典以惇禮樂與而百度咸正況茲首善尤在 顿首上言伏以典禮更新百代仰大君之有作辟雍歸 師之名陋元人塑像為不經特遵皇祖之訓別祠故聖 野

とこうところ 變願先多士以駁奔賜坐而講易書覺切祭之已過教 化是之謂乎臣等職忝師儒躬達威美幸睹大人之虎 幸法語之丁寧建皇極以數言斯其至美觀人文以成 子孫園橋門而聽觀奚止六館之英俊瞻威嚴於咫尺 **諏經喜溢章縫光流簡冊執豆籩以奔走乃有三氏之** 戾止子膠库為來執主親釋真子先聖崇儒重道稽古 **該茚崇顧兹典之鼎新煩至尊以賁重當薄海同文之** 日適踐作一紀之初乃涓令辰爰脩或事六龍棒御遠 か新字筒

Ż 孟子曰為政不難不得罪於巨室巨室之所慕一國慕 孟子離婁上篇說為政者當脩身以服人心的意思巨 任瞻天仰聖激切屏營之至謹奉表稱謝以聞 室是世臣大家慕是心悦服孟子說道人君為政於天 人必先忠孝誓圖報於將來伏顧配乎天配乎地皇朝 一統之圖作之君作之師天子介萬年之壽臣等無 國之所慕天下慕之故沛然德教溢乎四海這是 經筵講章 T.

|多好四庫全書

てこりら たたか 賞舉措之宜則巨室見之自然悦服而無怨怒這便是 心誠意使反之於身無聲色貨利之累而達之於政得刑 何背的又將悅服而慕之人君為政能使自近及遠無 的亦皆悦服而慕之一國既慕則天下之人視一 不得罪於巨室巨室既慕則一國之人視巨室為向背 則國人怨怒必自世臣大家始所以人君為政先要正 服而國人素所取信与君心未脩所行的事多乖 Į 方齊存稿 一國為

下其道不難在不得罪於巨室而已蓋巨室之心難以

正 室擅權當時諸侯不務脩德以服其心而欲以力 銀片四庫全書 出 反以取敗孟子有見於此故為此說以較之 者其於為政也何難之有臣考戰國之時王政不 無所留碍自沛然充溢四海而天下之民無不被其 一人不服 自 則衆叛親離匹夫匹婦或能勝予宣特巨室為可 論矣況人君一身天下之本茍其身正則禮樂征 朝廷四海之内無不用命何憂乎巨室如其身 如此 則 推無不準動無不化而吾德教之行 可謂 滕 探 綑 本 伐 巨

孟子曰養心莫善於寡欲其為人也寡欲雖有不存馬 次定四事全等 一 者寡矣其為人也多欲雖有存馬者寡矣這是盖子憫 教之施廣被於四海運作之隆永垂於萬年臣等大馬 休堯舜而邁迹湯武奚尤願法天廣運慎終如始使德 章奏以決大政洪範有序敬一有箴脩身之功可以匹 聖之統即位以來勵精圖治日御經雜以熙聖學日覽 哉此人君所以贵脩身也恭惟皇上以天縱之資紹列 誠無任倦倦斯望 方薪存稿

其要莫善於寡欲何則欲者心之累也茍其人能寡欲 然多而不節便流於邪僻而喪失其本心故欲養此心 世之人弱於私欲而喪其本心故發此論所以示人以 味鼻之於臭四肢之於安供皆是也是雖人所 說道凡人有生便有欲如目之於色耳之於聲口之 養心之要也欲是嗜欲存字不存字都指此心說孟子 酢之主其有不存者寡其為其人多欲則昏昧放逸 則此心不至外馳自然收敛在這腔子裏足為萬變 不能無

J

欠到可以 人 字於心學上極為親切為人君者尤不可以不知也 使欲心不留則此心瑩然渾是天理清明純一之體 愈消甚可畏也是以聖賢教人時時要存養省察克治 消長如長了一分人欲便消了一分天理彼愈長則此 氣之私原非性中所有但是二者當交戰於胸中选為 當論之人之一心只是个天理而已若私欲則生於形 身雞 而應事揆物自不失其當然之則孟子提出寡欲二 在這裏此心却與物欲俱馳其有存者亦寡矣 方衛存稿

武王必不至於縱欲哉正以心之難操欲之可畏所 之曰義勝欲者從欲勝義者凶夫二臣者豈不知舜與 戒之曰無教逸欲有邦武王亦聖人也其臣師尚父戒 縱欲自肆且如聲色貨利遊畋土木征伐之類茍其心 知得古帝玉心學之正傳以敬天法祖為心以求治保 防之於豫而杜之於微也其處遠矣仰惟皇上聰明睿 也人君尊居九重富有四海求無不得欲無不遂尤易 溺於此其為害豈可勝計哉是故舜聖人也其臣鼻 陷

金石四月有量

次記の自主管 臣記皐陶賽歌告帝舜的說話元首在上指君說股 元首明哉股肽良哉庶事康哉這是虞書益稷篇內史 之盛不難致矣臣犬馬之心無任倦惟 内外交脩跡于一徳則治本既端治具畢舉唐虞三代 子此章之言深究前代得失之故清心寡欲務學親賢 地震水旱蝗蟲之災尤不能不廑聖慮也伏願詳味盖 **氏為務心不耽聲色之娱目不接玩好之具雖詩書所** 何以過之然臨御有年而治效猶若未臻此者星變 方齊存稿

美股脏有不良乎股胚既良 則能為君分理庶務以禮 法莫敢偷惰以隳職業而布列朝廷者皆謁謁之吉人 洞然畢照人君之明如此則為之股脏者皆將奉公守 功必賞而有罪必罰譬之日月當空無所障碍而萬象 智足以知人明足以照物賢者必用而不賢者必退有 之股脏勢雖結於上下義則一 臣於是廣歌以責難於帝說道君為臣之元首臣為君 金りにた 下指臣說良是善康是安皇陶因帝舜作歌責難於 一體 相 須誠使為元首者

欠に口見という 所以成有虞之治而後世鮮儷也仰性皇上聰明天 何其良哉明良相逢都俞吁哪于一堂之上志同道 有虞之時若舜之明四目達四聰元首何其明哉其臣 帝之詞而責難之意寓馬其忠愛至矣臣當因是而考 如 良而天下之事可不勞而理也鼻陶此歌雖若歸美於 廢 則 馬舉陶稷垂伯夷獎龍皆一時之賢濟齊相讓股 隨不舉之患矣庶事有不安乎由是觀之君明則臣 備以樂則和以教則行以養則遂凡大小政事莫有 方齊存稿 合 肱

友剛克變友柔克沉潛剛克高明柔克這是周書洪範 六三徳一 武羣工成思竭股肱之力以祗承休徳明良喜起之歌 於變時雅之化復見於聖明之朝矣臣等何幸躬逢其 剛 智周萬物而不自以為明尊禮者舊信任忠良在廷文 健日新君臨天下一紀子兹無一念不在乎敬天勤 時而忘乎親賢講學道冠百王而不自以為聖 曰正直二曰剛克三曰柔克平康正直強弗

金好四個百量

者賴之以輔治聖人不得已而用之故一曰正直二曰 後 三德之用却不能使人都歸予極故大禹叙畴皇極之 字箕子說道人君建極於上既足以為臣民取法然無 篇箕子演三徳之畴以告武王的言語六三徳是大禹 治天下第二曰剛克是以剛徳治天下第三曰柔克是 以柔徳治天下蓋正直者無為而治聖人之本心剛柔 即繼以三德三德之目第一曰正直是以正直之德 叙九疇中第六疇正是無邪直是無曲克字解作治

欠已りる こう

方齊存稿

剛的人則必董之以威使他有所畏而歸于極是以 候 弗順的人變友是和柔委順的人沉潛是沉深潛退的 剛克三曰桑克平康是天下有道之世禮弗友是禮梗 而克剛如遇那和柔委順欲由乎極而不能者這是習 如遇那殭梗弗順可以由 君如遇平康之世人皆會極歸極連義遵道這是好時 高明是高亢明爽的箕子又說三德之用各有所宜人 則惟持正東直建極以先天下而已不必事乎矯拂 極而不欲者這是習俗偏 例

金少口用有量

LICEL DIST LILLY 臣按洪範三德正直之用一 酊州 俗偏於柔的人則必予之以福使他有所慕而歸于極 氣稟者至此悉歸於皇極矣三徳人用其効不既大哉 使 是以柔而克桑又有一等氣稟柔弱沉深潛退不及乎 極者却要激励獎進使他企而及之是以剛而克柔有 ,等氣稟剛方高亢明與而過乎極者却要防開裁抑 物因時制宜如此則天下之人雖有獨於習俗囿於 他俯而就之是以柔而克剛夫人君三德之用無世 方解字高 剛柔之用四蓋人君之德

惟皇上秉乾剛之徳普離照之明即 昔聖王所以能成天下之治用此道也漢唐以來人主 歲功成萬物逐人君之治天下何以異於此哉歷觀古 有 於好完德澤遍及於惇嫠剛柔相濟寬猛適中其於所 不知三德之用故或偏於剛如漢宣帝之殘忍或偏於 如漢元帝之懦弱失君道矣治不古若何足怪哉仰 剛有柔猶天道有陰有陽陰以欽之陽以舒之而後 三德盖己允蹈之尤願終始此德終始此治納斯 位以來刑罰不遺

金分四月全書

冬一

有才的人武王建立治官惟用有德之人不肖的不得 武成篇史臣記武王政治本末的說話爵是封爵上是 三等故說道列爵惟五分土惟三賢是有德的人能是 五等分以土地以公侯百里伯七十里子男五十里為 國土武王既克商有天下逐定封爵以公侯伯子男為 食喪祭惇信明義崇徳報功垂拱而天下治這是問書 列爵惟五分土惟三建官惟賢位事惟能重民五教惟 於皇極綿宗社於萬年天下臣民不勝至願

次定四車全

方蘇存稿

肯失信於天下義是所行合宜上不好義則天下旨趣 實上不好信則天下皆趨於許武王雖一令之布必不 天下百姓都歸于人紀之中五教之外又重民食喪祭 三件事以厚風俗故說道重民五教惟食喪祭信是誠 遠武王以一身任君師之責故於五教極所慎重要使 幼朋友五常之教食所以養生喪所以送死祭所以追 以倖進分職任事惟用有才之人無才的不容以濫 說道建官惟賢位事惟能五教是君臣父子夫婦長 及

效忠武王於有功的人必厚之以賞這便是崇德報功 王政治之本末如此考之孔子稱舜無為而治恭己南 天下大治故說道垂拱而天下治臣觀有周史臣記武 諸般政事都盡了武王此時復何所為惟垂衣拱手而 **德的人必尊之以官人之有功的若不去酬報他誰肯** 於利武王則一事之行必求允當於人心這便是惇信 明義人之有德的若不去尊崇他何以勸善武王於有 分封有法官使有要五教脩三事舉信義立官賞行

欠己り巨人等

方薪存稿

ナ

無 於先是以能享無為於後正與此論武王事相合豈真 至於日中是不遑暇食其憂勤又如此蓋皆極其有為 面 壅蔽其憂勤至矣至於文王惠鮮鰥寡懷保小民自 其所以致此者豈偶然哉蓋舜紹堯之後齊七政去四 王之垂拱同一道也然人徒知數聖人之無為而不 所作為而天下自治也哉後世人主不知聖人先憂 命九官十二牧數言武功以察庶官明目達聰以決 問公稱文王罔攸兼于庶言庶狱庶慎蓋與此稱 武 知

万日屋

ATTEN PER

之運 賢納諫慎重爵賞以待有功委任賢能以圖輔政忠厚 其於前代帝王之威美蓋兼而有之尤願體道用中求 具不接於目未明視朝勵精圖治日御經筵親近儒碩 萬世人君所當深戒也仰惟皇上以聖哲之資無盈成 欲高枕肆志委政非人以至召變速戾者何可勝數誠 並力 欠已日 Adding W 以勵士風節儉以甦民困本一人之憂勤致萬邦於 而後逸樂往往以無為籍口恣耳目之娱窮心志之 即位以來一切遊娱之事不經於心百凡玩好之 方癣存稿 十四

其力這是周書旅獒篇召公告武王以當謹徳不可玩 德威不 狎侮狎侮君子罔以盡人心狎侮小人罔以盡 樂則垂拱無為之治不在虞周而在今日矣天下臣民 未免有狎侮之心彼君子以心事上的然必在上者推 則動容周旋中禮然後能無狎侮之心夫德有未至則 召公說道人君以一身居天下之上要在謹德德既盛 人的意思狎侮是褻慢君子指在位之人小人是細民 勝慶幸

金岁四月

盡其力苟狎侮了他彼雖畏威易役然至愚而神肯盡 誠以待之致敬以下之然後能盡其心首狎侮了他彼 欠にりらいず 心小肆而溺於玩好之私則小人投隙並進導之以快 按召公此章本為西旅貢獒而作乃言及此何也蓋天 見吾禮貌之衰則有去而已孰青盡心為吾用哉小人 以力事上的然必在上者撫之以恩動之以禮然後能 力為吾用哉然則君子小人皆不可狎侮之也明其臣 下之治無常形而安危治忽在人主一念敬肆間茍君 方齊存稿 支

之所深慮也夫以武王功德之威召公循以是戒之則 優恤之實惠是以中外臣工咸思竭忠効智以佐休明 諫行言聽不徒禮貌之虚文於小民 則子惠仁懷每有 人君於所好尚可不謹哉你惟皇上即位以來解斥耳 目之玩而敬天法祖勤政務學孜孜如不及於君子則 安得不狎侮君子乎又將以怒為可縱民不足畏而佛 姓以從己之欲者有之安得不狎侮小人乎此召公 肆意之事何所不至於是正士日疎而法言難入矣

金岁口周台電

|受命兹不忘大功子不敢閉于天降威用這是周書大 已子惟小子若涉淵水子惟往求朕攸濟數實數前 之獻則聖德益隆聖治益昌宗社億萬年無疆之休端 戒宅心於敬防幽居非僻之千所實惟賢斥遠方珍奇 以凡隆堯舜其臣恩尤願深味謹德之言益嚴狎侮之 とこうら かかり **浩篇成王因武庚之叛大誥天下以東征的意思已是** 在於此臣等何幸躬逢其盛 而萬邦黎庶莫不尊親愛戴其上者嘉靖中與之威 方齊字筒 +

之為然而廢弛矣我於典章法度必敷布而脩的之前 難自阻哉我惟往求所以濟之之道其道惟何我國家 任恐不能勝如涉那湖水處不能濟然我之心宣終以 命然其意猶未已也至是又說我以幼沖之年膺此重 欲已而不能已數是布實是節前人指武王說成王上 此受命于天疆宇至廣今一 文言已嗣乎歷服恐不能明哲以迪民安康而格知天 一代之法至為明備茍好人叛亂而不能討平則將為 一隅騷動而不能鋤定則將

好四月百書

7

武與不靖得罪於天天命誅之我何敢閉抑天降威用 成康以降周室寝衰陵運至於夷厲之世獨犹內侵 然成王能任周公四征不庭卒能勘定禍亂以安王室 殷民未服武與既與三叔叛而商奄淮夷又相煽以 而 為所竊據而狹小矣我於前王基業必增益而開大之 欠正可見入官司 不行討乎臣按成王以幼沖踐作當是時王室未安 此者非以病民也皆武王伐紂以安天下為心今我 以安天下為心而不忘其大功爾我之為心如此今 Q 方齊存稿

統文德武功各臻其盛項者廣西雲南及山西路 馬成王繼體之賢君宣王中興之令主皆汲汲於治兵 蠻淮夷相繼復叛宣王即位命將征之而周道復中與 全欠口屋 請我如此莫非為天下計也宣若後世人主窮兵贖武 、禍亂常起於無形而變故每生於所忽臣願思祖宗 邀四夷之功者哉仰惟皇上以上聖之資紹列聖之 不寧天威所加 沐之勞謹今日衣御之戒練兵選將以杜不處任賢 1:11 旋即平定今中外人安若無足慮者 <u>카</u>] 稍

時怙冒聞于上帝帝休天乃大命文王殪我般誕受厥 威威顯民用筆造我區夏越我一二邦以脩我西土惟 愛民以固邦本所謂制治於未亂保邦於未危者在聖 肇是始區夏即天下殪是滅戎是大寡兄武王自謙的 土這是周書康浩篇武王命其弟康叔為衛侯的言語 命越厥邦厥民惟時叙乃寡兄島肆汝小子封在兹東 惟 明 とこうう こか 乃丕顯考文王克明德慎罰不敢侮鰥寡庸庸抵抵 加之意而已臣愚無任倦倦 方野写高

防範人心之具文王謹其罰以齊民則民皆知畏而 銀分四月全書 王而文王造周不外明德慎罰两件事德者感化人心 用之而使在職有賢當敬的則敬之而使在位有罪當 文王發政施仁必先及何敢侮馬乃岩有能當用的 入於罰然其質何如庶民有鰥寡的至微而易忽者也 之本文王明其徳以化民則民皆知慕而入於德罰者 封是康叔名武王說道我周有天下本於不顯考文 則威之而不少縱夫不侮鰥寡庸庸祗祇即明德

之事威威即慎罰之事合而言之皆德也德著于民民 天命以有天下萬邦萬民各得其理莫不時叙則其德 友邦為然盡西土之人亦皆怙之如父冒之如天明德 夏其徳所及我一二友邦亦觀感而化漸以脩治不特 心歸之當時文王位雖西伯而天命已屬是肇造我區 いしつしろ ころう 昭升聞于上帝上帝美我文王乃命之燮伐大商而受 又以及天下矣文王之徳足以得天下如此汝寡兄亦 勉力不怠以成其業是以有此土地分建諸侯汝康叔 方齊字稿

矣臣竊以文王所以成此德者又由其常有視民如傷 能尤憫無辜之民屢下哀如之詔是無愧文王之徳久 皇上繼統承天法祖為治恩必編於鰥寡爵必及於賢 易豪蓋其慎重如此是即文王明德謹罰之心也仰惟 雖刑罰之用亦所不廢然大碎必三覆奏律令成於屢 得以受封在此東土宣偶然者哉臣按自古人君未有 歷歷可鑒肆我太祖高皇帝既得天下專務以德化民 以明德慎罰而治以務罰不務德而亂者考之前代

金灰四庫有書

君以行法者也汝康叔於有司之事但取是法數陳而 字解做斷字武王說道人君之法受之於天而有司代 是法倫是叙要囚獄詞之要者旬是十日時是三月被 五六日至于旬時不散要囚這是周書康詩篇武王告 王綱紀四方臣至愚敢以為今日獻惟聖明留意 望道未見之心而不自足也故詩人頌美之曰勉勉我 王曰外事汝陳時泉司師兹殷罰有倫又曰要囚服念 叔以謹罰的意思外事先儒陳氏以為有司之事身

次足可華全島

方解存稿

有司 狱詞之要者就使情與法俱當尤當 服膺而念為之求 訊問尚有未當則死者不可復生於是又戒之曰汝於 又念刑罰之用一成不可變罰用殷桑固善矣而推鞠 條列之使為有司的皆能詳明法意則於用罰之際庶 可生之道近则五六日遠則十日或三月夫既為之求 · 時於所施然是法也殷先王用之輕重取舍秩有倫 衛殷墟也殷之法乃殷民素所服習者汝惟使衛之 法此殷罰之有倫者而用之則民無不服矣武王

金グロ

大二リショ かれり 之王王三宥之然後制刑其慎重如此所以上無濫罰 |死者皆可以無憾矣武王告康叔如此忠厚惻怛之意 生道而不可得然後從而刑之殺之大斷要囚則我與 制愈備每獄具三公九卿祭聴之槐棘之下既成以告 之慎罰高宗之不借不濫率皆致重乎此至于成周其 君為天下之主億兆之命懸於一人茍刑罰不中則民 何所措手足是以古昔帝王若舜之欽恤禹之泣辜湯 何如哉臣按康叔衛侯也武王猶以慎罰告之況人 方虧存稿

千二

畏威懷徳臣愚尤顧圖維治本培植化源乾元不息普 生威同秋殺是以奸免伏法良善獲安薄海內外罔 符矣恭惟皇上嗣統以來敬天法祖勤政惜刑仁如春 何害此與武王所謂服念要囚至旬時者可謂異世同 臣等從容更審且云一日不盡則二日三日便十日亦 而後行刑太宗文皇帝因法司奏決大辟則諭府部大 而下無冤民也洪惟我太祖高皇帝建國之初即命丞 相李善長等詳議法律親為裁定凡有大獄必三覆奏

金分四月月十十

意思具是常蔽是斷敏德是勤敏於德顧是省献是謀 施 欠己りる公言 敬哉者言不可不致其敬也因說汝於衛國當順民情 瑕是疵於是棄絕武王致嘆呼康叔之名而告之先曰 敏德用康乃心顧乃德遠乃猷裕乃以民寧不汝瑕珍 這是周書康浩篇武王告康叔欲其不用罰而用德的 王曰嗚呼封敬哉無作怨勿用非謀非奏敬時忧不則 無外之仁帝德問您允致協中之化天下臣民不勝 甚 方齊存稿 丰

其外若放而中懈始雖敬而終替者皆其誠之不足者 能敏德的汝必以之為法而其法之也又必斷以誠彼 徳蓋古之人若我文考若古先哲王若商考成人皆是 常行的汝或誤用之則害及于民皆足以召怨汝必勿 以為治慎母作可怨之事如謀有未善的法非國家所 則 用這非善之謀勿用這非常之法惟斷以是誠大法敏 然誠以法古敏德欲何為哉如心有未正何以化民 用以安汝心使宅乎天理不隔那人欲之危德有未

金少口四百十十

苓

してこう・しょう 其篇内言心言德者不一而足如曰宅心知訓曰德裕 待民自安勿忽其未化而遽刑之如此則為能以德化 之累謀有未善何以安民則用以遠汝謀使運之心而 民民自安汝之治我豈以汝為瑕疵而棄絕之哉臣按 達之政的皆正大周詳足為經久之計然必從容不迫 乃身曰朕心朕徳惟乃 何以出治則用以省汝德使統乎天理不奪那私意 一篇武王本為康叔之國而訓戒以治民之辭 方威等高 知至此又曰康乃心顧 1 乃德其

精純雖在古昔聖王何以過之然比年以來災異登見 者惟帝王之治所究心者惟聖賢之學聖東澄徹天德 恭惟皇上嗣位以來絕遊畋之娱屏奇邪之好所留神 湯文武所以致治之盛後世莫及者其本原皆在於此 倦惓若此何哉蓋天下之治皆原於心而德又所以出 天下之民庸有未得其所者臣愚伏願持謙沖之志法 治之本也人君苟心正而德脩則見之刑賞舉措與夫 一切政令必無不善而成天下之治也不難矣堯舜禹 P

金灰四庫全書

とこうこころ 大國殷指殷有天下說恤是憂召公将言天命不足恃 **誥篇召公在洛作書告成王以治洛之事因周公自洛** 疆惟休亦無疆惟恤嗚呼曷其奈何弗敬這是周書召 嗚呼皇天上帝改厥元子兹大國殷之命惟王受命無 悠久之規治必存惇厚之體則唐虞三代之盛復見於 今日矣臣等不勝幸甚 不已之運益資理義以養心益親賢人以輔徳政必為 周而寄之以達於王也元子言紂為君是天之長子 Ų 方齊存稿 古

先以嗚呼發之說道皇天上帝殿命靡常昔紂受天命 命如之何可以縱肆而不敬乎人君為天之子奉天為 其奈何弗敬蓋紂惟不敬故早墜殿命令王欲保守天 昔則亦可改于今豈非無窮之憂乎於是又嘆息說王 無窮之美然天無常親命不易保元子大國既可改于 乎今王受此大命以貴則為元子以富則有大國固有 子與大國殷之命使我周代之然則天命可恃以為安 為元子而有大國矣及其無道得罪于天天乃改其元

金片四庫在書

告之曰無疆惟恤又曰奈何弗敬夫人君茍知天位為 亡之兆見矣成王以幼沖嗣位召公慮其未必知此故 高富貴為可樂而忘其可憂肆情徇欲無所不至而危 與天同德故能受天明命也人君保有天下其有要於 治件件要與天合少有縱肆所存所行便與天背違了 此哉臣嘗論之人君以一身居天下之上治亂安危係 夫惟克敬則視聴言動一 人其責至重而勝之至難世主不察乎此徒見崇 循乎理好惡用舍不違乎天

欠己の巨人町

方蘅存稿

二十五

下崇儉德以格民使德澤數子四海運作綿子萬年臣 一舜之兢兢業業文王之小心翼異也然而治效猶未臻 言因四方告灾屢下恤民之詔此其憂勤敬畏之心即 緝熙聖學不因寒暑而輟講感上天示戒輒形罪已之 生而亂稽之往古歷歷可驗恭惟皇上聖本生知智由 不免上産聖處伏願堅持此心終始無問廓虚中以盡 可憂自不容于不敬者蓋憂則敬心生而治樂則驕心 |縱敬天法祖納諫任賢勤勞庶政每以昧垂而臨朝

金グロ

ノニード

鳴呼寫非時二人我式克至於今日休我咸成文王功 四臣為之輔今惟我與公二人而已我二人者惟能鞠躬 文武成王然文王之時尚有五臣為之輔武王之時有 包近故以日出言俱是從問公說我與汝召公當同輔 之隅日所從出之地周都西土去東為遠周公舉遠以 公留 等不勝至願 てこうう これか 于不怠不冒海隅出日罔不率俾這是問書君與篇問 召公的說話非是輔冒是覆冒海隅出日是東海 . 方癬存稿 二十六

去西土極為遠邀者沾被我之德教亦皆奉我正朔守 他澤大覆冒斯民如天之無不覆幬雖海隅日出之 與公同心協力輔 是文王之功猶有未成我與公宣得辭其責哉故我欲 造我區夏其功大矣尚今日四海之內有一人弗 未可以自足也告文王之徳光子四方顯子西土用肇 鳴鳳在郊今日之盛豈曰無所自而然哉然休則休矣 盡痒竭力以輔君故用能致今日之休然則天休滋至 相成王共成文王之功於不怠必 服 使 地 則

銀好四库全書

N.


哉臣按成王代淮夷踐奄皆在此書之後則知當時未 雷以是自勉豈可以今日之休為已足而遽欲求去也 我王度相率而臣服必如是然後已耳然則為召公者 一舜曰無怠無荒四夷來王稱禹曰東 漸于海西被于流 能 之盛足以當之書稱堯之德曰光被四表格于上下稱 其心周公之言可謂深達治要矣考之於古惟堯舜禹 非 周不率俾也夫四海至遠也欲其一一心服而率從 可刑驅而勢迫要必有德澤以不冒之乃能有以得


欠己可良 八字

方衛存稿

之

武之資應運而與德教所加薄海內外悉為臣僕與圖 惟竹傾心而向化蠻貊四極之國亦皆效琛獻贄稽首 祖深仁厚澤廣被家區是以普天率土之民莫不愛戴 之廣漢唐盛時所未有也恭惟皇上聖哲聰明同符高 沙朔南暨聲教記于四海蓋三聖人者德盛而道隆恩 金少四月月十十 而來朝威德大業雖堯舜禹之聖無以加矣尤願體天 勤兵以服遠者之為哉洪惟我太祖萬皇帝以聖神文 深而澤溥故其所及之遠如此豈若後世不移德而徒





欽定四庫全書 欠已日日 在地丁 皇上聰明聖智卓冠百王諸所作為動遵古典乃者以 右春坊右對善臣林文俊謹奏為欽奉敕諭事臣伏見 郊祀未協古禮欲遵復我聖祖初年之制特降救諭 疏 方齊存稿卷二 祀禮疏 方齊存稿 明 林文俊 撰

時或分或合不可詳考周禮大司樂園鐘為宫冬至日 也顏臣學術疎淺智識庸闇豈足以仰副虚懷之問哉 望及昭告上天神后之類皆因事祭告非祭之常典當 至陽之始故祭以冬至地陰也夏至陰之始故祭以夏 奏之蓋天地分祭之禮始見於此說者以為天陽也冬 臣惟郊祀之禮夏商以前見于經典者如所云肆類柴 於地上之國丘奏之鱼鐘為官夏至日於澤中之方丘

臣等各述所聞以對皇上之心即大舜好問用中之心

金万口屋台電

時匡衡請罷甘泉汾陽之祠而作南北郊蓋北郊之制 須各以其類祭豈得同時則順固以分祭為是矣朱熹 宗元祐中又下羣臣議時蘇軾等主合祭劉安世等主 中始罷合祭詔諸儒議祠北郊之儀而亦未之舉行哲 至古人以類求神如此然亦不言在南北郊也漢成帝 始見於此當時固是分祭也至平帝元始中始有合祭 分祭其說紛然其後程頤有言曰祭天地是報本之祭 禮東漢因之自唐及宋亦多是合祭至宋神宗元豐

欠こりこれ へいす

方齊存稿

追復我聖祖初制 意蓋有非常人所能測者令皇上疑其未合古禮而欲 蓋準成周之制至洪武十一年復定合祀之禮聖祖 图丘於鍾山之陽以祀天建方丘於鍾山之陰以祀 亦曰古者天地定是不合祭然熹又曰五峯言無北郊 然古今經籍之所載則臣己畧陳之矣至於日月之 以經無北郊之文故疑之耶仰惟我聖祖即位之初 只祭社便是此說却好則熹又若疑於北郊之說矣豈 顧惟事體重大豈下 臣所敢輕議 哉

金分四母百十

V

臣謹 欠巴司·西·加丁 而太嚴風雲雷雨等神反過於日月者皇上之論可謂 太歲風雲雷雨等神歲以仲秋致祭而日月運行對上 五就以朝日而典瑞朝日注云天子常以春分朝日 張大次小次設重帝重案王拇大主執鎮主維藉五采 有專犯古也我聖祖洪武初亦有朝日夕月之禮矣今 分夕 以成化工反不得專犯則聖諭所謂恐無以酬其功 月禮記祭義亦云祭日於東祭月於西則 按周禮大宗伯以實非祭日月星辰掌次朝日 方齊存稿 Ð 月之 則

班其說誠是也我聖祖初年之制園丘只配以日 祭相去萬萬矣臣又聞之夫禮非由天降也非由地 辰太歲方丘只配以截鎮海瀆其後合祭天地因增從 於此故朱熹云豈有祭天便將許多百神一齊排 雜亂郊壇所列至一千幾百餘位其為瀆禮不經莫甚 深合禮典矣若夫大祀從以羣神臣考之禮書配郊 祀之數至二十四壇雖異初制然視前代瀆禮不經之 以日月原無諸神從祀之說漢晉以來從祀之禮載冗 卷二 月

金少四月月十十

らしこう・と ことこ 意蓋亦就其情之所安而以為不必拘泥於古也 今言之是果可行乎臣因是言而知聖祖當時合祭之 遂使天地之享反不及人之享若使人之享亦執古 來甚遠蓋言祀天地尚實而不尚華後世執古而不變 之情之所安而已臣伏讀聖祖大祀之文有曰至陽 也人情而已矣先王之始制禮也豈必有沿襲哉亦求 於除月至除祭之於陽月於理可疑且掃地而 則當污樽而杯飲站毛而飲血巢居而穴處也 方蘇存稿 祭 其 而 祭

宗 最宜慎重而聖祖所更定之制又非可以輕議改易者 臣等所能窥其萬一 五帝不相沿樂三王不相襲禮者此之謂也今皇上以 |多定四庫全書 之至為此具本親齎謹具奏聞 也乞初左右大臣及禮官恭酌衆論詳議可否然後皇 聖人之資操述作之柄仰惟聖學淵源客識宏遠固 社綿子億萬年矣臣冒瀆天威無任恐懼隕越待罪 親賜裁定必求至當歸一之論則典禮光于萬世而 **M** 然天子尊事天地禮莫有大於此 巷二 非

帝 穀豐登則以為瑞之大者蓋以是為民食所 臣竊見此者皇上出郊禱雪敬天憂民之心發于至誠 天心享格瑞雪立降聖德格天之速至於如此誠 右春坊右贊善臣林文俊謹奏為紀休徴以彰聖徳事 とこうら しょう 兆 **木鳥獸諸物之為瑞徒侈觀聴而已乃今瑞雪之** 豐年裕國阜民胥此馬賴天貺聖明莫大於此臣備 王所希 進 2瑞雪詩疏 有也臣聞聖王不貴祥瑞惟 方蘇存稿 是雨陽時若年 賴非若草 Ð 降實 自 古

南京國子監祭酒臣林文俊謹奏為自 聖古覽奏具見忠意詩留覽該衙門 員侍從目親嘉禎踴躍歡忻不能自己轉敢忘其鄙 雷示戒題奉欽依行各衙 勝恐懼隕越之至謹具奏聞嘉靖八年十二月二日奉 默以答天戒事該南京禮部咨近因午門西樓垂脊震 撰瑞雪一篇並序別錄進呈伏望聖慈俯垂睿覽臣不 災異自陳疏 門痛加脩省備行到臣除欽 知 , 幼不職 道 2 賜罷

銀好四庫全書

陋

實未之盡然則康曠之罪臣將安逃兹當上天垂戒之 |越俟命之至為此具本順差典吏黃朝欽資棒奏聞伏 聖恩簡任國學職在陶成人材扶植風教而私自循省 合天固宜天心字格而瑞應縣臻矣令兹災變之來咎 次已四巨 八字 日伏望皇上将臣丞賜罷點以答天戒臣無任恐懼陨 坊叨侍講筵乏論思之益待罪史局無編纂之勞今蒙 在臣等伏念臣才識凡庸學行政淺裏者備員翰林春 遵外臣仰惟皇上敬天勤民親賢務學治必法古政必 方癬存稿

欽定先師 為彌文而已真所謂大聖人之作為也適者禮部 南京國子監祭酒臣林文俊謹奏為隆祀典以光聖道 改正先師 事近該南京禮部衙付到監伏想皇上救下禮部會議 照舊用心供職吏部知道 侯敕旨嘉靖十年 請遣官奉安先師 位式 孔子祀典臣仰 到監臣等欽遵即行南京工部製造外 月 疏 惟皇上以禮尊事先師不徒 日奉聖古林文俊不准解著 碩降

口人人一一

巷

聖宣王及惟王等句與今新定名號不合相應更定七 大型可言 Aitin I 勃禮部作述領降以便遵守臣等干冒天威無任戰慄 有神子世教豈淺鮮哉再惟原定樂章祝文其中有宣 官奉安祭告庶稱聖朝崇重之典故來學散慕之心其 先師奉安有日臣愚欲乞皇上特降御制祝文一通遣 豈勝慶幸緣南北國子監俱是首善之地事體相同今 告天下傳誦咸謂皇上遵師重道之禮其隆如此斯文 聞近日國子監奉安先師皇上特刺禮部擇日遣官祭 方癬仔稿

查選臣竊思之太學首善之地賢士所關師儒之職 依移洛南京吏部備行到臣取具屬官賢否考語以憑 · 古雨京國子監官著吏部從公查奏續該吏部題奉欽 事該工科給事中謝存儒具題前事禮部覆題欽奉聖 南京國子監祭酒臣林文俊謹奏為選師儒以惇治化 願望之至為此具本專差辨事官張翀獨捧謹具奏聞 伏侯勃古嘉靖十年 考察自凍疏 月 日奉聖古禮部看了來說

金欠四月分言

家之 こうし ここ 造 宜 位 師 酒 而 銳意作人舉行積分之法居是職者尤不宜苟取充 宿 夙夜祗懼以聖賢之學訓迪生徒冀得真才以備國 就多士茍匪其人則反是其所繁宣細故哉況今皇 精 則 用然遊事已喻一年而計效殊乏分寸徐思其故 已伏念臣章句迂儒誤蒙聖思擢任兹職受命以 儒明於聖賢之學者俱居是位則有以闡明正學 儒師之長總盜監事其職之難稱尤甚故必有者 擇而慎用之但監必博士等官職任猶輕至如祭 分新子高

|多定四庫全書 皇上將臣特賜罷點較吏 有 之恩敢不誓竭其愚以圖報塞於萬一第恐力不勝 狀伏蒙聖慈不忍加罪降首留用臣感皇上隆天厚地 臣之不職亦既明矣臣近因災變自陳己備述不職之 派 士何也學必先已而後人教不貴言而貴行也然則 臣之學不足潤身安望其及人行未必合古将何以 難盡者顧敢晏然居位如故以取冒昧之韵哉伏望 任使況今本監屬官俱從考選點炒而臣之 部 别選賢者代之則師道立 職尤

差官購索民間古板未免騷擾反滋好獎爾部裏既說 禮部 解照為用心供職吏部知道 嘉靖十年十月十八日奉聖古林文俊學行可取不准 くこう・1 した 為 而善人多誠世道甚幸臣干冒天威無任惶悚戰懼之至 南京國子監祭酒臣林文俊謹奏為校刻史書事先該 此具本順差辦事官劉寅貴捧謹具奏聞伏侯教旨 具題前事奉聖古這翻刻書籍雖係右文之事但 進二十史疏 方蘇存稿 ħ.

一多好四庫全書 七史 委祭酒臣張邦奇司業臣江汝璧督率屬官監生将 天府收貯變賣巷寺銀两內查取七百两 考對脩補以備傳布欽此續該禮部題奉欽依准於順 南京國子監見在舊板用心翻 體校補遼金二史原無板者購求善本翻刻以成全! 功無期工費亦大且罷只行南京禮工二部會議將 用心校對就 到監隨該臣邦奇等具奏史記前後漢書殘缺 將原 板利補仍取廣東宋史板付監 驗有 脱落糢糊的逐一 解赴該監行

南京工部遵照先奉欽依會議事理發銀五百兩送監 魚銀一千八百兩應用禮部覆題奉聖古是欽此續該 接濟通前共銀三千两本監收貯支用自嘉靖八年四 合脩補者費銀尚多請再於南京吏部支取本監折乾 月十二日開局分委博士臣程煌學正臣黃良弱校 元史助教臣劉世龍校刊史記前漢書遼史金史臣聶 糊特甚莫若與遼金二史 校刊五代史陳書南齊書臣王崑校刊三國志臣許 万百年京 體重新翻刊並各史應

成以仰副德意但卷帙浩繁工程重大且各處起取人 張星接管以來照舊校理嚴督匠作用心刊刻期在速 而二臣以陞遷丁憂相繼去任臣文俊與丁憂司業臣 邦奇臣汝壁實總其事督率諸臣晝夜雠校功未及成 匠原不屬本監管轄移文行提動經旬時總得解到時 魏書學錄臣張傑校刊北齊書梁書周書南史北史臣 堯校刊後漢書晉書宋書學正臣鄒魯校刊隋書唐書 邦奇等見得板刻模糊尤甚必若大加脩補此之重

欽定四庫全書

こうしここ 宋史
こ 脩完二十史共四百八十本先摹印裝潢進呈御覽其 進呈臣仰奉嚴首跡踏弗寧恐再遲延獲戾愈重謹將 隨 *F1* 史脩完支剩銀只有四十兩六錢六釐五毫見在即 銀重刊一面督令屬官監生用心校對今已校畢而各 .脱不足以垂久遠議於各史脩完之日另行奏請發 補亦必不數工費近奉欽依著臣等上緊催促完備 所省亦不甚多而所補書往往不得精緻且恐隨補 敕禮部議處再發銀兩或於南京户部再將本 方解子高

崩裂以故板刻未甚模糊文字尚可句讀者只得姑仍 監 其舊不敢輕動而各史脩補往往不得精緻者蓋勢固 爛之餘匠人委難下手或刻動一字牽連數十字應手 亥承恐猶不免其所脩補諸史又多是百餘年舊板蠹 工重刊臣不敢擅擬伏望聖明裁處另行臣看得二 折乾魚銀動支與今支剩偷史銀相帮支用庶可與 非 今雖脩完然簡編浩穰字數繁多校刊雖勤而魯魚 敢情費沿陋也如其板已全壞不堪偷補並脱落

我定匹庫全書

卷 : 二 引

;4

議得史記兩漢書各有小註釋文艱於寫刻以此每 肯就工臣邦奇等又行體訪各處利書事例從宜酌處 刊字工食銀二錢八釐後各役因見工食算計太輕 校本亦皆脱落無從考據者則仍闕之亦史闕文之義 以梨木板一 用銀一千一百七十五兩四錢彼時定價每書二 初臣邦奇具奏新刊史記兩漢書遼史金史五部共 一塊價銀二分二釐謄寫工食銀一分四釐 方な利字 高

則考南京禮部所蔵古本及別購善本旋刊補入若

一致 定四庫全書 釐其脩補書十五部並紙劄印刷工食等項又用過銀 計新刊書五部共用過銀一千四百六十三兩二分三 部書共九千六百三十五紫今實刊過一萬八百四十 無註者照依原定工價彼此通融始克就緒又原奏五 禁量加騰寫銀三釐刊字銀一分六釐其遼金二史原 百五十九兩三錢九分三釐五毫俱備細造冊隨書奏 一千四百九十六兩三錢七分五毫通共用銀二千九 , 葉並前項共該加銀二百八十七兩六錢二分三釐

非 誦之士生於休明之時聖天子嚮用儒學之日何其幸 布天下使數百年殘篇斷簡一旦復完得以家蔵而人 載於此而歲久板壞有志之士以弗獲見全史為恨蓋 欠日可止 公司 上萬幾之暇時覽觀馬不惟可以考知故實亦足為 治亂之迹雖學者所當完知而於人主尤切伏望皇 外臣竊思之此二十史者字宙中千數百年之事具 但此書所載君臣賢否政治得失制度沿革世代與 日幸遇皇上聖神天縱稽古右文特命校刊以傳 方癬存稿 ナニ

馬歲久弗脩日就損壞近為積雨侵凌左邊碑亭一 師 國子監祭酒臣林文俊等謹題為脩造事獨照本監先 埑 金好四庫有書 日勘戒之助禮文損益之資誠不為無補也為此具本 (候教育 撰進呈表一通專差助教臣林鳳鳴賣棒謹具奏聞 廟門外原有左右碑亭二座歷科進士題名碑記在 己坍塌碑石有壓仆者矣其在右邊者幸而未當坍 脩造疏 卷一 座

宜鱼為脩理而不可緩者也再照修道正義廣業三堂 仰 監 壞而為費愈廣櫺星門前屏牆一帶為崇護廟宇而設 近亦有倒塌者此皆在於先聖宫牆內外四方之所瞻 埍 續坍塌凡八十餘間即今見行增廣事例將來監生 生朝夕肄業之所亦為歲久弗修損於積雨今牆壁 推簷瓦將墮諸生相顧莫敢負牆而立而各處號房 然樣及損漏牆壁傾頹勢亦就散失令不脩後必 而頹廢若此其何以肅容貌而安神靈此在事勢所 ラルかける 7

所哉如蒙乞敢工部估驗先將要緊去處與工价理其 東以少收作人之效顧忍坐視學官之散壞而不為之 賢剧幸隆文教臣等切職師儒方思仰體聖意俯竭愚 未敢擅便謹題請古嘉靖十一年七月二十一日奉聖 為非便所據前項脩造工程皆不可缺幸遇皇上屬意 積聚漸多無所棲止必將寄居民舍告於就賃之費尤 可稍緩以次脩造則為之有漸民不知勞而廟學為之 新文治益以與隆矣臣等不勝幸甚緣係脩造事理

|欽定匹庫全書

おってイチ

青工部看了來說 進瑞應白免領疏

相稱慶謂皇上聖徳格天天心鑒悦諸福叠臻今兹白 國子監祭酒臣林文俊謹奏為紀瑞應以昭聖他事近 免見于四川實為上瑞豈非天以是彰聖德徵聖治哉 巡撫四川都御史宋滄進到白兔在朝大小臣工交

はんかいつ ここ とことに 昔有處之治至于鳳凰來儀百獸率舞斯極威美於是 陶明良之歌作馬所以美盛徳昭成功也今皇上至 方衛午筒 ナ五

垂看覽臣無任於躍慶幸悚慄之至為此具本親賣謹 具奏聞嘉靖十一年十二月初六日奉聖古覽奏具見 德召和兩儀以位庶類咸若至于羽毛之族亦皆獻瑞 金佐四母全書 忠意領留覽禮部知道 不能已謹撰瑞應白兔頌一篇隨本進星伏望聖慈俯 效祥此與虞廷獸舞鳳儀之盛無以異矣顧臣學術淺 陋不能揄揚聖徳萬分之一然喜溢于東拜稽聽言自 進瑞鹿賦疏

重之如此恭惟陛下臨蒞以來諸瑞縣臻未易緩數試 獻白雉周公歸之王而薦之廟盖以是為明德所致故 采在廷文武羣臣争先覩之為快考之周成王時越棠 伏見河南撫臣吳山等以白鹿來獻玉質霜毛皓然素 國子監祭酒臣林文俊謹奏為紀靈貺以光聖徳事臣 天天心豫悦故屢託之瑞物以昭示其眷顧無己之 來獻此豈但周時一白 毛羽之為瑞者言之如白鸛白兔白鹿一歲之間 ケ新写高 维而己哉此無他蓋盛徳格 十六 相

一致 定本 奉書 之至為此具本親費謹具奏聞嘉靖十二年三月初三 盛卓冠百王而臣欲以區區淺陋之幹 摹天地之大繪 日奉聖古覧奏具見忠意賦留覧禮部知道 之謠或庶幾馬伏顧天慈俯垂電矚臣無任恐懼戰慄 日月之明宣足以盡其萬分之一哉然此之堯民擊壞 **竹踴躍之餘謹撰瑞鹿賦並序隨本進呈仰惟聖德隆** 而陛下弟禄之盛國家泰運之隆其兆見於此矣臣欣 考察自劾疏

とこうう 蒙恩承之國學責任益重稱塞益難何也太學賢士之 林春坊以論思為職既不能少效區區用圖報稱乃今 遭際明時濫登仕籍二十三年子兹感激聖思雖陨首 臣工罔不警惕四品以上例許自陳伏念臣草茅殿士 臣伏見皇上初下吏部考覈在京庶僚大明點防凡在 國 糜骨何能為報但臣才非通敏性極近愚曩者待罪翰 子監祭酒臣林文俊謹奏為自刻不職之賜罷點事 而祭酒師儒之長也非明聖賢之學則無以誨誘多 へいかつ 方薪存稿

均得人文教益與臣無任恐懼析懇俟命之至為此具 教之日尤宜慎簡師儒以脩造士之效如臣之愚委難 之臣之不職亦已甚矣况當聖天子臨幸辟雖右文宗 然則何以作人厚俗以仰赞國家文明之化哉以是觀 士而端其趨向之途非有古人之行則無以表即 金灯四庫有書 而變其浮靡之習臣當以是二者私自循省而未之能 伏望皇上將臣特賜罷點别選賢能以充任使則成 任若冒昧居之恐曠寒之罪日深一 日兹值考察之 諸

月回齊居文華殿衣厚而悶熱近又內作煩燥自十 見禮 國子監然酒臣林文俊等謹奏為欽承聖諭事臣等伏 日末視事令又當候雨宜勤朝政但熱未解亦不用樂 日奉聖古林文俊不准解著照舊供職吏部知道 欲閉靜數日耳日久不與柳等接見恐我思故兹示 親赍謹具奏聞伏候初古嘉靖十二年三月二十七 5 部尚書夏言奏前事該內閣傳示聖諭云朕自昨 請暫免視朝疏 方衛写高

國子監祭酒臣林文俊等謹奏為奉慰聖心事兹者 月二十九日奉聖古知道了 欣慰即今天氣炎熱伏望皇上暫節萬幾之勞免視朝 此臣等仰惟玉體康和己收勿樂之喜臣等下情無任 一致 吃庫全書 以悉宜播之百官使知數日免朝之故宜令咸知之欽 /顾望之至為此具本親賣謹具奏聞嘉靖十二年四 日順養天和調攝聖躬永終無疆之福臣等無任祈 奉慰疏

聖肯知道了 和以永綏無疆之福上以慰聖母皇太后之心而下以 篤生皇嗣以膺主器之重伏望聖心大加寬慰抑哀孫 親實謹具奏聞伏候初古嘉靖十二年十月十四日奉 慰天下臣民之望臣等無任態切祈請之至為此具本 禮部知道欽此臣等下情不勝哀痛仰惟皇上聖徳格 **想聖肯朕第一子本年十月初十日夜五時以疾患逝** 天天心眷佑兹當鼎盛之年正協多男之祝指日將復 が新存的

甚天下幸甚臣等無任愈切祈請之至為此具本親 省聖慮順養天和以近承億萬年無疆之福實宗社幸 復日視事禮部知道欽此欽遵臣等伏承聖體偶爾達 朕十五日冒風作咳服樂未止欲暫輟政事必須靜攝 以省思慮然後可爾文武諸司官員宜用心辨事待平 國子監祭酒臣林文俊謹奏為問安事臣等欽奉聖旨 多好四庫全書 和無任瞻戀除欽奉聖諭各用心辨事外伏願皇上節 問安疏

年十 南京吏部右侍郎臣林文俊謹奏為謝恩事嘉靖十 伏念臣樗機凡材草茅賤士幸達聖世濫出賢科早任 聖古林文俊改南京吏部右侍郎欽此欽遵備行到臣 古知道了 謹具奏聞伏候初古嘉靖十三年正月二十八日奉聖 詞垣備員是懼再更國學造士何功迨貳邦禮子南曹 月二十二日准吏部咨該本部等衙門會推題奉 謝恩疏 方衛写海 7 匹

致定匹庫全書 之至為此具本專差辦事李恭赍棒謹具奏聞 恪守官箴勵清脩以率先於庶職博詢與論秉公明以 權衡而舉動係衣冠之表率以臣處此搞分奚堪自慚 虚蒙恩而改秋私自倘省倍集兢慙況銓曹為人物之 俊及歲星之再 易毫分無補禄廪虚糜方待罪而省愆 甄別子 羣材庶効犬馬之微勞少答乾坤之大造除本 月二十四日望闕叩頭謝恩到任外臣無任感戴激 人品之輕難稱主恩之厚臣敢不小大必慎夙夜無忘

2. 7 致之伏念臣以愚陋切貳禮官不能夙夜寅清以典三 點以應災變事此者南京太廟被火實為非常之變臣 南京禮部右侍郎臣林文俊謹奏為自劾不職乞賜罷 坊國學以至今職受天高地厚之恩而莫能效涓埃之 禮其為不職視諸臣尤甚況臣遭際聖明歷官翰林春 考至誠以格天地今一旦有此變異皆臣下不職有以 觸 目痛心省愆待罪寢食弗寧仰惟皇上至孝以事祖 因災自劾疏 方蘇存鸽 主

多定匹庫全書 准辭吏部知道欽此 伏候敕古嘉靖十三年七月二十日奉聖古林文俊不 將臣亟賜罷點以儆臣工以拜災變臣無任恐懼隕越 報職業人職禄廩虚糜負咎積您已非 題 南京禮部右侍郎臣林文俊謹奏為謝恩事先該吏 俟 命之至為此具本順差辦事官孫芳貴捧謹具奏聞 為缺官事奉聖旨林文俊陞南京禮部右侍郎欽此 謝恩疏 卷二 一日伏望皇上 部

臣以菲材伏蒙聖恩拔擢無任感激除赴關叩頭謝恩 古知道了 具 頭 欽 暫令到任在外者令其具奏赴任管事奉聖旨是依議 外 欠こうら これ 本 恭候聖訓續該吏部題為到任事欲將陛任官員 辞朝去赴任管事臣仰荷天恩無任感戴之至為此 此臣欽遵明古謹於本月二十八日恭赴午門前叩 親實謹具奏聞嘉靖十三年二月二十八日奉聖 方蘅存稿 き

